

# INUIT ATAQATIGIIT

## Ulluinnarni Aqutsisut



5. November 2021

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara.

### **Naalakkersuisunut apeqqutit:**

- 1. Naalakkersuisut Kommune Kujallermi nunalerinermik ilinniarfimmik pilersitsinissaminnut pilersaaruteqarpat?**
  - a. Aappiuppat; Nunalerinermik ilinniarfik qaqugu ilinniartunit atulerneqarsinnaangussava?**
  - b. Naamiuppat; Sooq Naalakkersuisut Kommune Kujallermi nunalerinermik ilinniarfik massakktut pingaarnersiunerminni ilanngunniangilaat?**
- 2. Naalakkersuisut Kommune Kujallermi nunalerinermik ilinniarfiliornissamut C-overslagiliussappata, aningaasat qanoq annertutigisut pisariaqartinneqassappat?**
- 3. Naalakkersuisut Kommune Kujallermi nunalerinermik ilinniarfiliornissaq tamakkerluni qanoq akeqarumaarnissaa missingersorsinnaavaat?**

(Inatsisartunut Ilaasortaq Mariane Paviasen, Inuit Ataqatigiit)

### **Tungavilersuut:**

Ukiaq manna ataatsimiinnermut nutaamik nunalerinermik ilinniarfimmik pilersitsisoqarnissaannik siunnersuuteqarniarlunga angumerseriaraluarpunga, taannali aningaasatigut kingunissaanik ilisimasaqqaarnissaq Inatsisartut suleriaasianniittoq tungavigalugu angumersinngitsoorpoq.

Nunatsinni nunalerinermik ilinniarfimmik piaartumik pilersitsinissaq suliarisariaqartoq isumaqarpunga.

# INUIT ATAQATIGIIT

## Ulluinnarni Aqutsisut



Maanna savaateqarnermik ilinniarfik siuarsaavigineqarsimannginnera pissutaalluni annertuumik iluarsartuunneqartariaqartoq isumaqarpunga.

Naalakkersuisooqatigiit isumaqatigiissutaanni allassimavoq immitsinnut pilersornerulernissaq anguniarneqassasoq, tamanna iluatsillugu tulluurtuuvog nunalerinermik ilinniarfimmik pilersitsinissaq.

Pilersitsineq immitsinnut pilersornerulernissatsinnut kisimi iluaqutaaginnarani siunissami namminersuleriartornitsinnut aamma iluaqutaasussaammat aammalu ilinniarfimmi neqissaqarniarnikkut, naatitsinikkullu ilinniartitsineq annertusineqarpat sinerissami pilersuineq nunatta iluaniit ingerlaavarnerulersussaavoq.

Avataaniit isumalluuteqarnerujussuaq annikillisiinnarnagu nunatta aningaasatigut kaaviaartitai annertunerulersussaananeramik kinguneqanngitsoornaviannngilaq.

Minnerunngitsumillu silaannaap kissatsikkiartorerata annikillisaaqataasinnaasalluni nerisassaqarneq nunatta iluaniit suliarineqarsinnaalluortoq maanna aqut takisooq atorlugu nunani allaniit ingerlanneqaannartartoq annikilliserujussuarneqartariaqarpoq.

Aningaasarpassuimmi maannakkut nunatsinniit aniasut isiginnaaginnarnagit annikillisarnissaat pisussaaffigaarput.

Kissaatigivara apeqqutikka ullut suliffiusut qulit qaangiutinnginneranni akineqarnissaat.